

INUIT ATAQATIGIIT

INATSISARTUNI



UKA 2013/82
3. oktober 2013
Agathe Fontain

Inuit inissianik pisortat najugaqarfiutaani attartortuusut kisiannili inigisaminnit anisitaasimasut, allamik sarfalersukkamik, imermut aqquteqartumik aammalu kiassarneqartumik inissaqartinneqartarnissaat taamatullu ilaqutariit meerartallit minnerpaamik iganissamat kissartuliornissamullu periarfissaqartinneqartarnissaat pillugu inatsisitigut illersugaalernissaat siunertaralugu, UPA 14-mut malittarisassiornissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Juliane Henningsen, Inuit Ataqatigiit)

Inatsisartunut ilaasortaq Juliane Henningsen siunnersuuteqarnermigut iniminneerit anisitaasartut pitsaaneruserumik inissinneqartarnissaat anguniarpaa.

Siunnersuut inuit pineqartut, minnerunngitsumik meeqqat eqqugaasut eqqarsaatigineqarput.

Iniminneerit anisitaasartut assigiingitsunik peqquteqartarpoq. Ilaat anisitaasartut saniliminnik eqqissivillioortitsisimasarnertik pissutigalugu, ilaallu iniminneerit akiliisimanninnermik peqquteqartarluni. Tassa aningaasatigut aqutsiniarnermi iniminneerit akiliinissaq kingulluunqarsimasarnat. Sunarpiarlu peqqutaalluni akiliingitsoorsimasartut aamma assigiingitsoorsimasarnik peqquteqartarluni.

Soorunami inuit akissaqartut iniminneerit akiliisassapput, kissaatiginaqaarlu kikkut tamarmik meeraanerminiilli akiligassanut eqqummarittariaqarnek ilikkarsinnaappassuk. Inummi kinaluuniit innimut pilersortoq, pisortanik isumalluuteqanngitsaq, imminut naammagisimaartuusarpoq.

Inoqarporli meerartaqartunik anisitaasimasunik. Meeqqat pisinnaatitaaffeqarnerat malinniarutsigu, pisussaaffeqarpugut, ilaqutariit meerartallit, siunnersuuteqartup Inatsisartunut ilaasortaq Juliane Henningsen, siunnersuutaa akuerineqartariaqarpoq.

Pisortat Namminersorlutik oqartussat, kommunellu aqqissuussisariaqarput, ilaqutariit meerartallit, inuillu ataasiakkaat, akiligassaqarnaveersaarnissaannik. Akiligassaqarnaveersaartitsinermi tassaammat akiligassaqarlutik anisitaasariaqartunik pinngitsoortitsisinnaasoq.

Siusinneruserukkat kommunit ilaasa periuserisarpaat INI A/s-miit kalerrinneqartunik ilaqutariit akiliingitsoorsimasut qaammatini aalajangersimasunik. Taamaasilluni ilaqutariit kommune suleqatigalugu akiligassanik angummanniartitsillutik.

Anisitaasimasoaqartilluguli siunnersuuteqartoq Inuit Ataqatigiiniit isumaqatigaarput, ullumikkumiit pitsaaneruserumik atugassaqartitsisoqassasoq, inuillu pineqartut suleqatigalugit, akiligassaat akilerneqarnissaannik, kiisalu initaaqqinnissamik anguniarnissaanut peqqussusiortoqassasoq.

Ineqarnermut ataatsimiititaliami aappassaaneertinnagu suliareqqaarneqarnissaa innersuussutigaarput.